



DEMOKRAATIT
DEMOKRATERNE

UPA/FM 2017/159

23.05.2017

Mala Høy Kúko

Qanoq qimmit qimuttut ikiliartuinnarnerat mumisinneqarsinnaanersoq qanorlu qimussertarnerup nukittorsarneqarsinnaanera pillugu apeqquteqaat aallaavigalugu oqallisissiasatut siunnersuut.

(Inatsisartunut ilaasortaq, Villy Olsvig, Inuit Ataqtigiit)

ATASSUT-minngaaniit Demokraatiniillu siunnersuuteqartoq Villy Olsvig qujassuteqarfigissavarput. Kalaallit Nunatsinni oqaluttuarisaanermi kalaallit qimmiat ilaajuaannartuusimapput. Qanga siulersuatta piniartorsuit Kalaallit Nunatsinni inuuniarnermikkut napaniarnerminni qimmit pinngitsoorsinnaasimangilaat. Qimmit ukiorpassuarnik atortuusimapput nunarsuatta issittortaani. Nunarsuup issittortaata iluaqutitut sumorsuaq assartuutitut qimmit ukiorpassuarnik iluaqutigalugit atortorilluinnarsimavaat.

Qanga Kalaallit Nunatta avannaarsuatigut paasissassarsiortut assigiinngitsut qimmit atortoralugit angalasarnerminnik iluaqutigijuartarsimavaat. Kalaallit Nunatta sermersua tunumiit kitaanut aammalu illua tungaanut ituittut qassit qimmit atortoralugit angallatigisarsimavaat.

Ullutsinni qimmit nunatsinni turistinut aningaasarsiutigalugit aamma atorneqartarneratigut aalisartunut piniartunullu tapertaallualersimapput. Kiisalu aamma timersornermik taallugu unamminerni nunatsinni ukiut tamaasa ingerlanneqartartuni Kalaallit Nunatta tusaamasaassutitta ilaannut ilaalluinnalersimapput qimmit.

Soorunalimi qanoq ililluta qimmit amerliartoqqilernissaannik eqqartueqatigiinnissaq pingaartilersimavarput, qimmimmi nunatsinniittut amerliartoqqilernissaat kultur-erput kingumut qiviarlugu illersorneqarsinnaasumik eqqartuiffigisariaqaratsigu.

Qimmit nappaalasarnerat qularnanngitsumik ukiuni aggersuni pisartussaassasoq qularutissaanngilaq. Tamanna piareersimaffiginissaa uagut tamatta pinngitsoortinnissaa qulakkeerniartussaassuarput suleqatigiinnikkut.

Qimmit amerliartoqqilernissaannut periarfissaasinnaasut ilaasinnaavaat.



DEMOKRAATIT
DEMOKRATERNE

Qimminut qimuttunut nerukkaatissat niuertarfinni akimikkut unamminareertut iliuuseqarfigineratigut, takorloorneqarsinnaavoq piniartooq allamik isaatitsinissaminik isumalluuteqanngitsoq aningaasatigut malinnaasinnaanaviannngitsoq, inuuniarnermimi suut tamaasa ullutsinni akisoreermata.

Taamaammatt periarfissatut isigineqarsinnaasutut pineqarsinnaapput, qimminut nerukkaatissat aningaasatigut taperneqarsinnaasuuppata akikinnerulersillugit. Taamaaliornerup kingunerisinnaavaa piniartunut piniartunngortussamullu qimmeqarnissamut aqutissiiuussinissaq.

Kommuneqarfinni Turist-eqarnermut siunnersortit piniartullu akunnerminni pilersaarusoqatigiissinnaagaluarput, qanoq qimmit aningaasarsiorutaasinnaanerata ujarorneqarsinnaaneratt pillugu. Immaqa siminaarimik taallugu ataatsimeersuartitsineq. Tassani assigiinngitsorpassuit tikinneqarsinnaagaluarput, qimmit qanoq siunissami amerliartorsinnaaneratt kiisalu atorneqarsinnaaneratt pillugu eqqartueqatigiinnermi.

Piniartummi ilisimasallit atorluarlugit ataatsimiinneq pippat qularnanngilaq alloriaqqinneq annertoq ingelanneqarsinnaagaluartooq. Ataatsimeersuarnermi siunnersuuteqartup taakkartugai taputartuullugit eqqartorneqarsinnaaneratt qularutissaassanngilaq.

Taamatut naatsumik oqaseqarluta ATASSUT-miit demokraatiniillu oqallisissiaq taamatut immersueqataaffigivarput. Oqallittuarnissamillu kissaassilluta.

Qujanaq